

## QUYOSH ENERGIYASIDAN FOYDALANISH.

*Norqulov Saydulla Karimovich*

*Jizzax politexnika instituti  
"Servis" fakulteti dekan muovini,  
[saydulla.karimovich@gmail.com](mailto:saydulla.karimovich@gmail.com)*

*Xoldarov Botir Mansur o'g'li*

*Jizzax politexnika instituti  
"Elektr texnologiyasi" assistenti,  
[botir.xaldorov@gmail.com](mailto:botir.xaldorov@gmail.com)*

**ANNOTATSIYA:** Quyosh energiyasidan unumli foydalanish va uning iste'mol samaradorligi. Sayyoramizda kuzatilayotgan global ekologik muammolar: iqlimning o'zgarishi, ozon qatlaming siyraklashuvi, kislotali yomg'irlar, atmosferaning zaxarli gazlar bilan to'yinishi, atrof-muhitni radiatsion ifloslanishi to'g'risida ma'lumotlar keltirilgan.

**KALIT SO'ZLARI:** radiatsiya, geliotexnika, ekologik muammo, ozon qatlami, issiqxona, kislotali yomg'ir, biomassa.

Muqobil energiya manbayi hisoblangan Quyosh nuridagi issiqlik energiyasini elektr energiyasiga aylantirish. Quyosh milliard yillardan buyon o'z nurini Yerga sochib turadi. Quyosh nuri ham energiya. Odamlar uni elektr tokiga aylantirishni o'rganib oldilar. Buning uchun maxsus yarimo'tkazgichli asboblar-fotoelementlar yaratilgan. Ular birgalikda Quyosh batareyasini tashkil qiladi. Quyosh radiatsiyasi energiyasini amalda foydalanish uchun qulay bo'lgan energiya turlariga aylantirib berish masalalari bilan shug'ullanadigan texnika sohasi geliotexnika deb ataladi. Geliotexnika yordamida elektr energiyasi yetib bormagan joylar (masalan, chorvadorlar istiqomat qiladigan joylar)ni elektr toki bilan ta'minlash, uylarni elektr nurlari yordamida isitish, issiqxonalarini isitish va boshqa ko'pgina ishlar amalga oshirilgan. Quyosh energiyasidan unumli foydalanish va uning iste'mol samaradorligi. Sayyoramizda kuzatilayotgan global ekologik muammolar: iqlimning o'zgarishi, ozon qatlaming siyraklashuvi, kislotali yomg'irlar, atmosferaning zaxarli gazlar bilan to'yinishi, atrof-muhitni radiatsion ifloslanishi kabi qator masalalar aynan energiya ishlab chiqarish va uni iste'mol qilish jarayoni bilan bog'liqdir. Tabiyki energiya iste'moli miqdori bir tomondan yer yuzida aholi sonining oshishi bilan bog'liq bo'lsa, ikkinchi tomondan bu aholining yashash farovonligining o'sishi bilan bog'liq. Hozirgi kunda dunyo bo'yicha kishi boshiga yiliga o'rtacha xisobda 2kVt soat energiya to'g'ri keladi, vaholanki, u normal farovon hayot kechirishi uchun bu miqdor yiliga 10 kVt soatni tashkil qilishi lozim xisoblanadi.

### TAJРИBA VA NATIJALAR

Energiyaning qayta tiklanmaydigan manbalariga yoqilg'inining qazib olinuvchi turlariga asosan neft, gaz, ko'mir, torf kiradi. Qayta tiklanuvchi energiya manbalariga biosferada doimiy ravishda mavjud bo'lgan energiya turlari: Quyosh, shamol, biomass, okean va dengiz to'lqinlari, hamda daryolarning gidroenergiyalari kiradi.

Energiyaning qayta tiklanuvchi va qayta tiklanmaydigan turlari Yer biosferasiga ko'rsatadigan ta'sirlariga qarab bir-birlaridan prinsipial farq qiladi. Energiyaning qayta tiklanmaydigan manbalarini qo'llash atrof-muhitning qo'shimcha ravishda qizishiga olib keladi, ya'ni ularning energiyasi xisobiga Quyosh tomondan qizdirilayotgan planetamizning qo'shimcha ravishda qizishiga sababchi bo'ladi. Shuning uchun energiyaning bunday turlari qo'shiluvchi energiya turlari deb ham ataladi. Shuningdek energiyaning qayta tiklanuvchi turlari energiyaning qo'shilmaydigan turlari deb ham ataladi. Chunki, bunda manbadan qanchalik miqdorda energiya olinsa, u shuncha qilib qaytariladi. Masalan, Quyoshdan Yerda ishlovchi qurilmalarga ma'lum bir miqdordagi fotonlar energiyasini oldik deylik, shu bilan birga ularning Yerni qizdirishdagi



TIIAME  
Institution of International Education and Agricultural Mechanization Engineers



NSIA



SSTU



TIRI



LOBACHEVSKY  
UNIVERSITY



Новосибирский  
государственный  
университет  
\*настоящая наука



Новосибирский  
государственный  
технический университет  
НЭТИ



faoliyatidan maxrum qildik, lekin fotonlarni qurilmalarda ishlatib bo‘lgandan keyin olingen energiyaga teng miqdordagi issiqlik energiyasi Yerga chiqariladi. Natijada, energetik balans saqlanib qoladi. Shunday qilib, energiyaning qo‘silmaydigan turlarini ishlab chiqish soxasini chiqindisiz ishlab chiqarish deyish mumkin

Energiyaning qo‘siluvchi manbalari esa biosferani kuchli ifloslantiruvchilar hisoblanadi. Tadqiqotlar va xisob-kitoblar shuni ko‘rsatadiki, energiyaning qo‘siluvchi turlarini, atrofga zarar yetkazmasdan qo‘llashning ma’lum bir chegaraviy qiymati mavjud bo‘lib, bu qiymat Quyosh energiyasining Yerga tushayotgan miqdorining 0,1% nagina tashkil etadi xolos. Yer yuzida, bir necha o‘n yillar mobaynida kuzatilib kelayotgan yillik energiya ishlab chiqarishning o‘sish tempini (3%) e’tiborga olsak, taxminan 75 yildan keyin energiyaning qo‘siluvchi turini qo‘llash uchun ajratilgan, limit tugaydi. Demak, insoniyat global miqyosdagi xalokatdan qutilib qolishi uchun, u XXI asr o‘rtalariga kelib energiyaning qo‘siluvchi turlarini ishlab chiqarishdan tiyilishi va zudlik bilan energiyaning qo‘silmaydigan (noan’anaviy) turlarini yetarli darajada ishlab chiqarishni yo‘lga qo‘ymog‘i lozimdir. Planetamizda aholi soni ortishi bilan bir qatorda energiya ishlab chiqarish va uni iste’mol qilish jarayoni ham yil sayin oshmoqda. Aholi soni, hisob-QIToblarga qaraganda 2075-2100 yilga borib taxminan 12 mlrdga yetishi, energiya iste’moli esa kishi boshiga hozircha o‘rtacha 4 kW dan, 2075 yili 9,1 kWga yetishi kutilmoqda.

Bunga energetik resurslarimiz yetadimi? Energetik resurslar cheklanganku! Agar organik yoqilg‘i zaxiralari bunday darajada energiya ishlab chiqarishga yetgan taqdirda ham, bunday jarayon Yerda ilgari takidlangan issiqlik muvozanatining buzilishi, iqlimning o‘zgarishi qaytarib bo‘lmas oqibatlarga olib kelishi mumkin.

Yer yuzida energiya iste’moli va uni ishlab chiqarishni baholash uchun, odatda, o‘tgan davr uchun grafik chizib, uni kelajak zamonga ekstropolyatsiya qilinadi va xulosa chiqariladi. Baholashning bu usuli bir qancha kamchiliklarga ega. Bundan tashqari shuni ham takidlash joizki, bazi rivojlangan davlatlarda aholining o‘sish tempi ham, ularning energiya iste’moli tempi ham bir muncha pasayishi kuzatilmoqda. Shu sababli, bu usuldan emas, balki bu soxaning yirik mutaxasislari taklif qilgan analitik usuldan foydalanish maqsadga muvofiq. Bu modelga binoan aholining o‘sish tempi bilan uning energiya iste’moli tempi ma’lum bir davrga kelib muvozanatli holga erishadi deb xisoblanadi. Bu model gipotetik model bo‘lib, unda aholining o‘sish tempi 2125 yilgacha mo‘ljallangan BMT ning demografik prognozlaridan olingen. Bu prognozlarga binoan aholining o‘sish tempi 2100 yilga kelib taxminan 12 mlrd atrofida stabillashadi. Yer yuzida axoli sonining o‘sish tempi bo‘yicha boshqa raqamlar mavjud bo‘lsa ham, ko‘pchilik tadqiqotchilar yuqoridagi raqamni to‘g‘ri va ilmiy asoslangan deb xisoblaydilar.

Energiyaning bir turdan boshqasiga aylanish jarayonlarini taxlil qilishda energiya samaradorligini belgilovchi kattalik sifatida, odatda, chiqishdagi foydali energiya miqdorining kirishdagi umumiyligi energiya miqdoriga nisbati olinadi. Shuningdek, qayta tiklanadigan energetikani rivojlantirish mexanizmlariga ham alohida e’tibor qaratishimiz lozimdir. Qayta tiklanadigan energiya ma’lum miqdorining mavjud bo‘lishi ayni paytda zarur hisoblanadi, lekin bu mamlakat energetika balansiga keng ko‘lamda jalb etish uchun yetarli emas.

## **XULOSA**

Qayta tiklanadigan energetikaning zamонавиу texnologiyalarini joriy etish bo‘yicha xalqaro tajriba shundan dalolat beradiki, har bir mamlakatda qayta tiklanadigan energetika texnologiyalarini rivojlantirish hamda joriy etishga to‘sinqilik qiluvchi muayyan me’yoriy-huquqiy, iqtisodiy, texnik, psixologik, axborot va boshqa omillar mavjud. Bularning barchasi



qayta tiklanadigan energetika texnologiyalariga bevosita taalluqli bo‘lmasada, qayta tiklanadigan energiya manbalarining mavjud salohiyatini keng ko‘lamda o‘zlashtirishga xalaqt bermoqda.

Bu omillarni aniqlash va bartaraf etishda ko‘pincha davlatning keng ko‘lamda va izchil harakat qilishi shuningdek bu boradagi ishlarda qayta tiklanadigan energetika texnologiyalarini joriy etish hamda yanada rivojlantirishdan manfaatdor tashkilotlar va shaxslar ishtirot etishi talab qilinadi. So‘ngi yillarda o‘tkazilgan tadqiqotlar O‘zbekistonda qayta tiklanadigan energetika texnologiyalarini keng miqyosda rivojlantirishga yordam beradigan ayrim mexanizmlarni identifikasiyalash, shuningdek, bu boradagi kamchiliklarni aniqlash hamda bartaraf etish bo‘yicha qator tavsiyalarni tayyorlash imkonini berdi.

### **Foydalanilgan adabiyotlar ro‘yhati**

1. Ergashev J., Berkinov A. Amorf ferromagnit qotishmalarda termo-e. yu. k va elektr o‘tkazuvchanlik //Архив Научных Публикаций JSPI. – 2020. – С. 1-2.
2. Udalov N. S. Energetics. Novosibirsk: Iz. NGTU, 2009. - 412 p. - P. 305-306.
3. Akhmedov E.R. Use Of Interactive Electronic Educational Resources In Professional Training Of Students Of Vocational Education // European Journal of Research and Reflection in Educational Sciences, 2019 №12.-P.115-1203.



TIIAME  
Institute of Materials and  
Agricultural Mechanization Engineers



TASHKENT STATE  
TECHNICAL UNIVERSITY  
TSTU



LOBACHEVSKY  
UNIVERSITY

N<sup>\*</sup> Новосибирский  
государственный  
университет  
**\*НАСТОЯЩАЯ НАУКА**



Новосибирский  
государственный  
технический университет  
**НЭТИ**

